

天門光傑構大禮廓前規

閭闔開霄漢衣冠肅羽儀香烟霏

御幄法仗夾

形埤似蓋祥雲朗如鉅旭日遲鵲行紆紫綬虎拜展丹

宸極瞻逾切

天威儼在茲抒忱偕百爾忭手徧羣黎入政叨官守非才

沐

主知

國恩難報稱臣職矢驅馳頌

德慚闕管颺言等測蠡南山

綿瑞社億載永鴻基

詩 七言長律

唐白居易九老堂

九人五百七十歲拖紫紵朱垂白鬚

詩吟兩句神還壯酒飲三杯氣尚麤慷慨狂歌教婢

拍婆娑醉舞遺孫扶天年高過二疏傳人數多於四

皓圖除却三山五天

竺人間此會更應無

宋邵雍安樂窩中詩一編

安樂窩中詩一編自怡然陶鎔水石閑勲業銓

擇風花靜事權意去乍乘千里馬興來初上九重天

歡時更改兩三字醉後吟哦五七篇直恐心通雲外

月反疑身是洞中仙銀河洶湧翻晴浪玉樹嵒岧岧生

紫烟萬物有情皆可狀百骸無病不能蠲命題偶被

神相助得句偏為人所傳肯讓貴家十部樂寧慙

富室一囊錢若條此過知何限且喜臺官獨未言

元張允中遊天平山

洞天金闕天平作層巘石崖寒玉

寥廓蒼鹿挨摧北斗魁耍猿弄損南辰角文章壓破

石鰲頭琅玕爛折玉兔脚背岩松柏碧森森向日芳

菲紅灼灼遮凝林慮半壁天琢成雲漢千岩壑官宰

爐燒延壽香仙人瓢採長生藥風物依稀紫府宮嵐

光繚繞朱陵閣顛峰渾似撞天槍惟石還如奔礪鑣

路轉樵人目下迷溪迴遊子心無錯千形萬狀天平

山剖判元

黃天地鑿

明李夢陽七夕邊馬二憲使許過繁臺別業不成輒用

七字句述懷

懶遊因病困蒙茸不獨炎天萬事慵七

夕邀行齊踴躍兩人羈絆阻迎逢大河

平地濤長湧喬岳清秋霧不封次第榮途俱獬豸迂

踈故國且芙蓉壯夫激烈悲遲暮執友團圞喜去冬